

Svar

**ferðamála-, iðnaðar- og nýsköpunarráðherra við fyrirspurn
frá Jóni Steindóri Valdimarssyni um rekstrarform og
ráðstöfun eigna Nýsköpunarsjóðs atvinnulífsins.**

- Hefur starfshópur sem ráðherra skipaði til að fara yfir og koma með tillögur að framtíðarrekstrarformi og ráðstöfun eigna Nýsköpunarsjóðs atvinnulífsins skilað niðurstöðum til ráðherra? Ef ekki, hvað skýrir drátt á skilum og hvenær má reikna með þeim? Ef niðurstöðum hefur verið skilað, hvers vegna hafa þær ekki verið birtar og hvenær hyggst ráðherra birta þær?*

Starfshópurinn sem skipaður var hefur ekki skilað inn tillögum til ráðherra. Starfshópurinn fór fram á að fá lengri tíma við vinnu sína og varð ráðherra við þeirri beiðni. Ráðherra er þó kunnugt um að vinnan sé vel á veg komin og að skýrslu sé að vænta í byrjun mars.

- Hyggst ráðherra leggja fram frumvarp til breytinga á lögum nr. 61/1997, um Nýsköpunarsjóð atvinnulífsins, á yfirstandandi þingi? Efsvo er, hvert yrði markmið þeirra breytinga og hvaða leiðir að þeim hyggst ráðherra leggja til grundvallar í væntanlegu frumvarpi?*

Afstaða til þess hvort ástæða sé til breytinga á lögum um sjóðinn verður tekin þegar skýrslan liggur fyrir. Leggi starfshópurinn til lagabreytingar er þó ekki raunhæft að frumvarp verði lagt fram á þessu þingi, til þess er tíminn of skammur.

- Hyggst ráðherra leggja til auknar fjárveitingar til starfsemi Nýsköpunarsjóðs atvinnulífsins?*

Eins og fram hefur komið liggur skýrsla starfshópsins ekki fyrir og því hefur ekki verið tekin afstaða til þess hvort fjárveitingar verða auknar til sjóðsins.